



COMUNU DE LÙVULA
PROVINTZIA DE NÙGORO

Si bandit sa de chimbe editzione de su Prèmiu de poesia in limba sarda

Lùvula ti canto

(annu 2017)

Sos isetos de su Prèmiu sunt sos de:

- abalorare su bonu de Lùvula contande.lu chin poesias;
- tzintzigare a pònnere poesias, a manera de promòvere s'impreu de sa limba sarda in totus sas variantes suas.

Regulamentu

Su Prèmiu est assentatu in tres setziones:

1^a setzione - PRO LÙVULA

Su tema est Lùvula. Sos poetas chi punnant a partetzipare a sa prima setzione de su Prèmiu tocat chi imbiat òperas chi faeddent de Lùvula. Sos poetas, comente fit in sas editziones colatas, ant a dèvere mustrare su bonu de sa bidida. Sas poesias cherent curtzas, iscritas in rima o in versos isortos o liberos. Sa longària no nche devet colare sos binti versos. No ant a èssere ammissas poesias prus longas. Cumponende sas òperas, sos poetas ant a dèvere tènnere in cussideru chi sas figuras chi ant a retratate chin sos versos issoro, s'esseret chi bincant, ant a dèvere èssere interpretatas dae fotografos, chi las ant a bortare in màzines fotogràficas pro imprentare cartolinas, paris chin sas poesias. Pro cussu at a essere de profettu su de dare attentzione solu a unu aspettu, locu o argumentu chi pertocat sa bidida.

2^a setzione - POESIAS

Su tema est liberu. Sos poetas chi cherent leare parte a sa de duas setziones de su Prèmiu ant a dèvere imbiare òperas in versos isortos, liberos o in rima chi no nche colent sos baranta versos. Nudda brivat chi sos autores, po partetzipare a custa setzione, potant ischirriare su matessi tema de sa prima, est a nàrrere Lùvula, ma sas poesias chi ant a bìnchere no ant a èssere imprentatas in sas cartolinas.

3^a setzione - PIZZINOS

Su tema est liberu. Sos pizzinnos potent leare parte a sa de tres setziones de su Prèmiu, a sa sola o comente classe de iscola, imbiande òperas in versos isortos, liberos o in rima chi no nche colent sos binti versos. Nudda brivat chi potant ischirriare su tema de sa prima setzione e tando sa poesia chi at a bìnchere su primu premiu at a èssere imprentata in una cartolina.

Sos premios

1 ^a setzione - PRO LÙVULA	
1 ^u classificatu	€ 400
2 ^u classificatu	€ 300
3 ^u classificatu	€ 100

2 ^a setzione - POESIAS	
1 ^u classificatu	€ 250
2 ^u classificatu	€ 150
3 ^u classificatu	€ 100

3 ^a setzione - PIZZINOS	
1 ^u classificatu	€ 150
2 ^u classificatu	€ 100
3 ^u classificatu	€ 50

Sos prèmios ant a essere in dinare (s'ant a fàchere sas ritenutas de sa leze) o in donos e s'ant a dare solu si b' arribant nessi 15 poesias a sa 1^a setzione, 15 a sa 2^a e 10 a sa 3^a.

A leare parte a Lùvula ti canto 2017 non si pacat e pòtent partetzipare totu sos sardos, finas si non sunt residentes in Sardigna. Sas poesias potent èssere iscritas in cale si siat variante de sa limba sarda, incruitos sos faeddos alloglotos, bastante chi s'imbiat finas tradutas in una de sas varietates printzipales.

Donzi cuncurrente mannu pòtet leare parte a su Prèmiu imbiande a cata setzione una poesia ebìa, chi cheret inèdita e mai premiata in àteros cuncursos literàrios. De plagios, o de decratziones farsas nd'ant a rispòndere sos autores o chie los rapresentat. Chie at bintzu su primu premiu non lu potet torrare a bìnchere, s'annu imbeniente, pro sa matessi setzione, ma potet cuncùrrere pro s'atera.

Sas òperas presentatas non sant a torrare ma ant a abarrare a su Comunu de Lùvula (Biblioteca Cumonale), chi las at a pòtere impreare pro cale si siat isetu culturale, incruita sa publicatzione, chene paca peruna pro sos autores.

Pro imbiare sas operas bi cherent 2 bustas de mannària diferente.

In sa busta minore tocat a bi pònnere:

- una còpia de sa poesia iscrita a computer o a màchina e firmata dae s'autore;
- unu fozu uve bi siet su nùmene de s'autore, s'indiriztu, su nùmeru de telefono (finas cellulare), sa bidida sarda de nàschita, s'indiriztu de posta elettronica e, pro sos minores, finas s'etate o sa classe e su numene de s'iscola dae uve venint.
- unu fozu uve bi siat sa decraratzione sichiente, firmata dae s'autore (po sos minores dae chie nde tenet sa potestade): "Jeo sutaiscritu poeta (nùmene, sambenatu, locu e data de nàschita, residèntzia) permito chi sos datos meos sient impreatos petzi pro sos fines numenatos in su bandu de su Prèmiu Lùvula ti canto 2017".

In sa busta manna tocat a bi pònnere:

- 6 copias de sa poesia, iscritas a màchina o in su computer, craras e fàtziles a lèghere e anònimas, est a nàrrere non firmatas;
- sa bustedda minore, serrata, chin sa poesia firmata e sos duos fozos numenatos in supra.

In foras de sa busta manna si bi devet pònnere sa setzione de su Prèmiu pro su cale si partetzipat e s'indiriztu sichiente: Segreteria de su Prèmiu de Poesia Lùvula ti canto 2017, Comunu de Lùvula, Biblioteca Cumonale, Carrera de sos 1000, 11 - 08020 Lùvula NU.

Sas òperas divent arribare chin sa posta, o cussignatas a manu (a s'Ufitziu protocollo de su Comunu), **intro de mesudie (h 12.00) de su 10 de aprile 2017**. Non s'at a picare in cussideru su trimbu postale pro sas operas chi ant a arribare a pustis.

Partetzipanne a su Prèmiu, sos cuncurrentes atzetant, s'esseret chi si fàcat, sa publicata de sas poesias, chene chi si lis corrispondat diritu perunu, cufirmat de connòschere custu bandu e nd'atzetat donzi règula.

Su Comunu de Lùvula at a numenare una giuria de espertos chi ant a premiare sas poesias cussideratas sas menzus.

Sa giuria no at a pòdere dare premios ex aequo; potet dispònnere de no assignare perunu prèmiu si cussidèret chi peruna poesia nde siet digna e finas de nde segnalare o mentzionare si nde sunt dignas.

Su zudissu de sa giuria est insindacabile e inapellabile.

Sos binchitores, sos signalatos e sos mentzionatos, leande parte a su Prèmiu, s'impignant a partetzipare a sa tzerimònia de premiatzione chi s'at a fàchere in die de dispònnere. S'esseret chi non bi potant azovare pro una rejone justa, su prèmiu l'at a pòtere ritirare una persone in parte issoro. In frau de sa premiatzione, a pustis de sa presentata de sas òperas signalatas o mentzionatas, s'ant a decrarare sos binchitores e s'ant a donare sas cartolinas a chie las agradèschet.

Pro cale si siat informatzione o acrarimentu si potet dimandare a sa Segreteria de su Prèmiu: Comunu de Lùvula - Biblioteca Cumonale, tel. e Fax 0784 - 416894 ; e-mail: luvulaticanto@gmail.com

S' Assessore de sa Cultura
(Dut. Pretu Pittalis)